

匱父可謂能尊

傷身雖貧賤不以

爵者皆重失之見利

越人三世弑其君王子搜患之逃乎

越國無君求王子搜不得從之丹穴王子

不肯出越人薰之以艾承以玉輿王子搜援

綆登車仰天而呼曰君乎君乎獨不可以舍

我乎王子搜非惡為君也惡為君之患也若

王子搜者可謂不以國傷生矣此固越人之

所欲得為君也

韓魏相與爭侵地子華子見昭僖侯昭僖侯

有夏邑子華子曰今使天下書銘於君之前

書言曰左手攬之則右手廢右手攬之則左

手廢然而攬之必有天下君攬之乎昭僖侯

曰寡人不攬也子華子曰甚善自是觀之兩

臂重於天下也身亦重於兩臂韓之輕於天

下遠矣今所爭者其輕於韓又遠君因愁身

傷生以憂慮之不得也僖侯曰善教寡人者

衆矣未嘗得聞此言也子華子可謂知輕重
笑

魯君聞顏闔得道之人也使人以幣先焉顏
闔居陋閭苴布之衣自飯牛魯君之使者至
顏闔自對之使者曰此顏闔之家與顏闔對
小國之家也使者致幣顏闔對曰恐聽謬

田之使者還反審之復來

國者真惡富貴也故

國家其土苴

事